

沈雲龍教授主編

近代中國史料叢刊

第三十一輯

文海出版社印行

近代中國史料叢刊第三十一輯  
沈雲龍主編

閩縣林侍郎（紹年）奏稿

林葆恆編

文海出版社印行

中華民國五十七年十二月初版

近代中國史料叢刊 第三十輯

精裝：二十冊  
定價：新台幣



主編者：沈

雲

龍

發行人：李

振

華

臺北縣永和鎮中興街99巷8號

出版者：文海出版社

郵政劃撥戶第二七八四號  
電話九二一二六五九號

印刷者：美明美術印刷廠

臺北市康定路二〇二號

經銷者：全省各大書局

有所權版

內政部登記證內版台業字第〇八〇〇號

# 近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手札、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況及人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅編輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

## 說明

民國五年（一九一六）丙辰九月，遜清學部侍郎、弼德院顧問大臣林紹年，歿於天津，距生於道光二十七年（一八四六）丁未，年六十八。

紹年，字贊虞，福建閩縣人，同治十三年（一八七四）甲戌進士，由庶常授編修，改補御史，以敢言直諫，迭當道，出爲雲南昭通府知府，擢迤西道。光緒二十五年（一八九九）己亥，升貴州按察使；明年，轉雲南布政使。二十八年（一九〇二）壬寅，改山西布政使，擢雲南巡撫，兼署雲貴總督；疏陳督撫同城非便，自請裁缺，詔從之，移撫貴州。三十一年（一九〇五）乙巳，調撫廣西。翌年九月，內召，以侍郎充軍機大臣；又明年，暫署郵傳部尙書，僅月餘，而丁未政潮起，朝局變動，出爲河南巡撫。宣統元年（一九〇九）己酉，內徙民政部侍郎。翌年，充經筵講官，署學部右侍郎，改弼德院顧問大臣，實置諸閒散，遂乞病告休，寄寓津沽。其歿世之日，遜帝溥儀尙居清宮，猶以「宣統八年上諭」褒賜祭葬，予諡「文直」。民國建立，理宜滌除專制舊典，然此類「榮寵」及偽諡，仍爲前朝遺老所歆羨，故次年而有丁巳復辟之變，非無因也。

越十一載，其子葆恆彙輯「林文直公奏稿」，以「諭旨」、「御賜祭文」、「御賜碑文」列諸首卷，且註明「宣統丁卯刊於京師」，其爲蔑視民國紀元，殊爲識者所嗤。茲以原書涉及近代史料至夥，爰加影印，雖一切仍如其舊，但爲之正名「閩縣林侍郎紹年奏稿」，庶幾存真而不與時代相背，諒博雅君子不致詫爲多事也。

近代中國史料叢刊

第三十一輯

目錄

WU 177/10

|             |      |
|-------------|------|
| 閩縣林侍郎(紹年)奏稿 | 林葆恆編 |
| 屠光祿(梅君)疏稿   | 屠仁守著 |
| 趙柏巖集        | 趙炳麟著 |
| 金粟齋遺集       | 蒯光典著 |
| 乙亥叢編四種      | 王大隆輯 |
| 1. 甌橫日記     | 周星詒撰 |
| 2. 夢盦居士年譜   | 程庭鷺撰 |
| 3. 三百堂文集    | 陳免撰  |
| 4. 東陵紀事詩    | 陳毅撰  |
| 百爵堂叢刊兩種     | 羅振玉輯 |
| 1. 陵案彙編     | 佚名輯  |
| 2. 趙客亭先生年譜  | 呂元亮輯 |
| 膠澳志         | 袁榮安著 |
| 膠澳租借始末電存    | 柳培榮輯 |
| 新疆游記        | 謝曉鐘著 |
| 天放樓文言(增詩集)  | 金天羽著 |

林文直公奏稿

宣統丁卯  
刊於京師



序

林文直公奏稿刊成公子葆恆屬爲之序寶琛受而讀之  
盡然曰甚矣一代之興亡其繫於輔臣與諫官也乃若此  
哉自光緒甲申政地易人言者譴斥相望旣創立海軍頤  
和園隨之而作疆吏羣輸金報效公疏論其失并劾內務  
府擅借洋債

懿旨嚴飭而公猶數言事不已乃出爲雲南昭通知府未  
幾而有甲午之敗變法議起廷僚相軋釀禍迄庚子國命  
不絕如綫樞臣伏法至三人而公敷歷邊遠勲績炳中外  
久之由廣西巡撫召入爲軍機大臣  
命下遠近額手相慶以爲

朝廷嚮用骨鯁不二心之臣庶幾中興且暮遇也是時慶  
邸方柄國袁世凱實遙執用人權黑龍江設巡撫以某道  
員躡署趙御史啟霖發其行跡狀按問無驗奪趙職公以  
爲臺官風聞言事不當罪爭不得善化之逐公又謂重臣  
被劾宜考實以是積不協出撫河南居樞廷九閱月耳予  
與公相睽垂三十年宣統初元至都則公又已內召一日  
以輪直入對痛陳時局危迫非廣開言路無以通下情因  
論及升允恩壽賢否而咎樞要之以憎愛用舍人已乃具  
疏申言之語予猶有餘憤公蓋親見

垂簾初政親賢夾輔上下交傲嘗有無窮之望寧意一變  
再三變每下愈況以日卽於危亡也嗚呼豈得謂盡天命

哉反復斯編又何以爲心耶公爲政廉公樸果所至肅風  
紀去弊害而懃懃於教養不爲空言章奏具在讀者可以  
得其槩矣丁卯孟秋陳寶琛序於天津旅次



林文直公奏稿首卷

諭旨

御賜祭文

御製碑文

國史本傳

墓誌銘

神道碑

貴州合祀故撫張重



諭旨

宣統八年九月初八日奉

諭旨前弼德院顧問大臣林紹年持躬謹慎學問優長由翰林洊擢封圻歷任軍機大臣民政部侍郎宣力有年克勤厥職茲聞溘逝軫惜殊深著加恩賞銀五百圓治喪由廣儲司給發應得卹典該衙門察例具奏用示篤念蓋臣至意欽此

宣統八年九月十八日奉

諭旨內務府奏前弼德院顧問大臣林紹年溘逝擬請致祭並應否予諡請旨一摺林紹年著加恩予諡文直餘依議欽此





御賜祭文

成勞懋著生平之風概如存盛績昭垂奕世之寵褒益  
篤載申綸綍式薦牲醪爾前弼德院顧問大臣林紹年  
學問優長持躬端謹方冀遐齡克享永邀恩眷之頒何  
期疾疾俄聞竟乏延年之術於戲列豆籩於祠宇渥澤  
攸隆布筵几之苾芬湛恩疊沛靈其不昧尙克歆承

1111

1111

御製碑文

朕惟求賢於承平之際廣廈所貴異材論人於危難之時疾風乃知勁草旣經板蕩彌念英賢爾原任經筵講官弼德院顧問大臣林紹年秉心正直制行清誠早入翰林校士曾收片玉旋登諫院立身有似精鋼知進言以禁抑僥倖爲先故持論雖得罪權強不懼甬除母服遂守邊隅專城得治事之權荒徼亦酬恩之地慷慨以往尤怨不存除暴斯安及期而治百姓愛之如父母羣吏畏之如神明平反冤獄饒具聽訟之才遏抑亂萌兼擅用兵之略地逾萬里名達九重屢承特達之知遂畀封疆之寄沿邊三省蒞事八年斯時

先帝急於求賢勤於憂世詔書特下政地相需海內稱爲得人朝列爲之動色爾乃盡心匡輔造膝密陳擘畫時艱維特善類薰桂之性至老而未衰松柏之姿經冬而愈茂謂邊帥不得人則戎心易啟諫官不能用則正氣難伸

先朝賞其戇直信爲緩急可倚之人同列憚其清剛竟有冰炭不容之勢貪人在位志士灰心遂以病辭復出之外忌者不已未幾又行由重任而閒曹凡三年而屢換直言猶昔天日鑒其孤誠親屬相私風氣惡其破壞懷忠不盡蘊病日深遽值變遷益增悲鬱我

孝定景皇后大喪爾卽來京哭臨逮

崇陵奉安爾來梁格莊跪送盡哀盡禮悲不欲生本是病軀  
自茲轉劇天生良佐未竟其才人無百年遽摧此世忽  
披遺疏悽覽忠言核其從政之賢應得易名之典特賜  
祭葬兼發帑金諡曰文直可以風矣忠言苦口同稱爾  
有嘉謀嫉惡剛腸此謂邦之司直爰鑄諸石如見其人  
勗爾子孫告之來世靈兮鑒此過者式焉



國史本傳

林紹年字贊虞福建閩縣人同治十三年進士以編修歷充會試順天鄉試同考官光緒十四年改御史時

慈禧皇太后聽政久稍倦勤葺修

頤和園絀於貲會疆吏籌設海軍經費輸存北洋陰取以濟紹年極陳生人疲敝當以儉化天下使督撫愛養百姓若誅求進獻未足以言忠虛帑賈怨未足以言智請卽下

詔停輸還所進奉得

旨嚴飭旋以憂去服除補山西道監察御史疏嚴門禁防宦

寺交通之漸十九年陝西考官以賄得事涉內監復  
疏論之俄授雲南昭通府知府地邊瘠難治土目祿  
爾恭橫暴睚眦殺人莫敢訴猝捕戮之狙劫弗及眾  
懾而定期年劾罷文武吏不職者五人舉境肅然調  
攝雲南府甫受事安甯州盜戕人於塗州牧以總督  
崧蕃怒緝捕不力妄繫平民二十餘人紹年覆按疑  
其枉謁總督廷爭至厲聲色總督檄永昌守調補雲  
南紹年不爲動卒獲正犯出二十餘人者於死崧蕃  
媿謝密疏薦紹年可大用擢迤南道二十五年授貴  
州按察使明年遷雲南布政使二十八年遷山西布  
政使擢雲南巡撫旋兼署雲貴總督廣西游匪侵滇



邊遣將擊卻之招撫入達河村民之陷匪者以斷賊接濟益大出兵合勦滇境卽清乃以全力赴援廣西而蒙自土匪乘間復發連陷臨安石屏紹年會商總督丁振鐸檄按察使劉春霖扼通海廣南軍躡其後不兩月事平疏言督撫同城任事非便自請裁缺

從之移撫貴州而湖北廣東兩巡撫旋亦議裁印江團首呂志禮楊鑫不相能積十餘載相殘殺紹年至以兵脅之降乃擁眾不散遂案誅之又平反良民被誣於教士者不爲外力屈威惠宣流紹年默察大勢非立憲不足以救亡疏請豫定政體以繫人心不報三十一年移撫廣西明年內

召以侍郎充軍機大臣兼署郵傳部尙書授度支部侍郎仍  
值軍機時黑龍江新置巡撫驟擢道員段芝貴紹年  
言芝貴望輕不稱邊帥任御史趙啟霖亦劾其進取  
多蹊徑大臣按驗不實褫啟霖職而芝貴亦由是罷  
紹年言御史得風聞言事啟霖無罪不宜罷爭之不  
得遂稱疾同列強起之出爲河南巡撫減差徭務與  
民休息又以州縣吏罄資遠宦人地不習無益于杜  
弊徒使不肖者藉口積虧取償任所請援漢唐故事  
免避本籍部議自縣丞以下如所請行益大飭吏治  
兩疏糾彈百餘人得朝貴請託書輒焚之曰寄語諸  
公勤職無庸奔競也調倉場侍郎宣統元年徙民政

部侍郎時慶親王奕劻握政柄陝西巡撫恩壽與有連總督升允劾其贓私不報反解職紹年召對論其事以爲賞罰不當則是非不明退復具疏言之

監國攝政王心善其言卒嘿嘿無一語二年充

經筵講官署學部右侍郎改弼德院顧問大臣以病請告卒年六十八諡文直子三人葆恆舉人署直隸提學使



清誥授光祿大夫頭品頂戴 經筵講官弼德院顧問大

臣 予謚文直閩縣林公墓誌銘 閩縣林紓撰

公林氏諱紹年字贊虞晚號健齋閩縣人也曾祖諱  
根祖諱樹基父諱景桐本生父諱星海均以公貴贈  
光祿大夫妣均一品夫人公少溫裕懿量傾儕輩同  
治甲戌成進士改庶吉士散館授編修光緒庚辰會  
試壬午順天鄉試均同考尋補御史時方經營

頤和園各省用海軍名輸款訖園工公疏爭語至切直  
奉

懿旨嚴飭既丁內艱服闋再入臺以風鯁不容於執政出爲  
雲南昭通知府昭通處滇邊號難治公至廉土目祿

爾恭以椎埋暴鄉曲名捕而猝戮之狙劫弗及眾懾而定暮年中劾罷文武五人調署雲南府去郡日空巷出餞父老伏地至流涕弗起既受事安甯州方以剽劫聞州官諉過營兵以逃譴總督崧公嚴符切勒則答服疑似者二十餘人盡檻致之崧公下公證成其獄公得狀力平反之遂出此二十餘人於死崧公媿公能疏薦公可大用擢迤南道遂權臬司兼署藩司二十五年授貴州按察使明年遷雲南布政使又明年擢巡撫兼攝雲貴總督滇桂接境游匪侵滇邊公勒兵分道擊卻之又大出兵合桂軍乘機勦定而蒙自土匪復竊發連陷臨安石屏公纂勒所部扼而

殲之滇亂遂平乃疏陳督撫同城非便請裁巡撫公時方卸署督自撫滇也既得請移署貴州巡撫首正經界去插花弊習而印江團首呂志禮楊鑫者脅汗其眾行劫質有司莫敢攝錄公翦其黨從寘二人於法黔民大服三十一年授廣西巡撫公所歷皆邊瘠日殫心教養慎簡牧令桂新被兵公寬其文法興學訓農勸工減稅與民更始且嘗疏請立憲

朝廷既更定官制嘉公治績內召以侍郎充軍機大臣三十二年十一月入直權郵傳部尙書旋授度支部右侍郎仍贊樞密時黑龍江新置巡撫朝議將以某往公謂邊帥宜慎選重臣不當輕署以滋外侮而御

史趙啟霖亦疏爭斥某以昧請得帥邊失

朝廷威信按問無驗褫趙職公謂御史得風聞言事不宜以此塞言路爭之不得遂稱疾同列強起之卒出爲河南巡撫計在政地九閱月也公習於勤約既治中州本其廉素以率下務綜覈名實革紅差店攤賠及支應車馬諸積弊兩疏劾罷文武不職者數十人有牙檠者公亦以此不久其位三十四年復內召爲倉場侍郎宣統初元移民政部右侍郎

召對時論總督升允劾某巡撫既不報而升允轉因是解職退復具疏斥某邸朋挺右其姍屬

監國心未嘗不善之也二年充



經筵講官三年權學部右侍郎旋改弼德院顧問大臣  
讓政議起公悲憤移病居天津

孝定皇太后大行哭臨至哀

崇陵既奉安公歸自陵下益病癯喘自是以來遂弛然不自  
惜以丙辰九月六日卒年六十八遺疏上

賞治喪銀五百

予諡文直

賜祭葬配饒夫人繼配張夫人傅夫人子三葆慎縣學生  
出爲兄後次葆恆舉人直隸候補道署提學使次寶  
鋒女一孫四人丙炎二品廕生法部主事次志軾次  
志轍二品廕生次志琦葆恆將以明年正月葬公於